



Misc. 6^{me}.

cat. 1, 63.



26.

R E C T O R
ACADEMIAE VITEBERGENSIS
GEORGIUS AVGVSTVS
LANGGVTH

PHILOSOPH. ET MEDIC. D. PATHOLOG. ET
CHIRVRG. P. P. ORDINARIVS FACVLTAT
MEDICAE SENIOR

CIVIBVS ACADEMICIS

S. P. D

RECTOR
ACADEMIAE VITBERGENSIS
GEORGIVS AVGVSTVS
LANGVITHE
PHILOSOPH. ET MEDIC. D. PATHOLOG. ET
CHIRURG. P. P. ORDINARIVS FACULTATIS
MEDICAE SENIOR
CIVIBVS ACADEMICIS

S. P. D.





MORS ACERBA
IESV IN VITAM REDITV
I V C V N D A

Vim natura fugit mortis, et abdita
Caligo tumuli terribili metu
Mortales cumulat, cum celeres ruunt
Morbi, funeris indices

Haud molles stimulos optimus addidit
Vitae rex hominum, quaeque pericula
Prudentes fugere, et corporis integros
Artus robore cingere

Auras Attalicis conditionibus
Vitales emeret, parcere qui solet
Numo, nata Erebo nocteque lurida
Si non munera sperneret

Non fratrem redimit frater ab inferis,
Letum poscit opes heu nimis inuidas.
Iro non melior Maeonius fugit
Rex sub claustra silentia

Haeres diuitias, laetitia furens,
Iniustas rapit, et deside diffluit
Luxu, continuis parta laboribus
Mox perdit patrimonia

Iudex ad folium grande vocat suum
Manes, quos cruciant infatiabiles
Curae, conscia mens flagitii pauet,
Et iam tartara prospicit

Hic auri cupidus carpitur ignibus
Aeternis, et inops imbre genas rigat,
Qui spreuit lacrymas duritie fera,
Ac tristes querimonias

Tantum virus habet faeua necessitas
Admissi sceleris, fellis acerbior
Succo, ni miserae gratia dulcior
Genti suppetias ferat

Fastus uerba quidem sesquipedalia
Audax uoce refert omnia perpeti,
Sic ingrata fugit mortis acerbitas,
Agagusque nihil tremit

Sin

Sin possent retegi corda tyrannica,
Ictus innumeri uulnera cerneres,
Quae plaga repetit uita nefaria
Alta nec medicabili

Nam corpus lacerant uerbera faucium,
Sed pectus lacerant foeda piacula,
Contractam stolido consilio premit
Culpam poena grauis comes

Has prauius furias deliciis diu
Obtundit variis, hoc uehementior
Ultrix taeda ferit, cum subit ultima
Ac sensus hebetat dies

Quis tunc ignis edax uiscera deuoret,
Effusis trepidus questibus indicat,
Qui Gargettia dux restituit procax
Mollis dicta libidinis *)

Omnis, moestus ait, non sapientia
Soluit corde metum, perpetuae manet
Noctis tristitia, et pessima fors cadit
Naturae insuperabilis

Tantas o utinam sollicitudines
Sit fas ex animo tollere funditus.
Iam non sum, quoties, non fore denique
Me totum, reputo gemens

Feli-

*) La Mettrie abregé des Systemes, §. 8.

Felices, solidis viribus editos,
Nos Christi socios, quos reditus ducis
In vitam recreat, palmaque nobilis
Curis liberat omnibus

Vis leti in nihilum non redigit pios,
Cum coeli spatii parua mapalia
Mutant, ac ueniunt in patrium solum,
Victis casibus, exules

Non terrent trepidos crimina pristinae
Vitae, non rigidum iudicium mouet,
Confisos meritis uindictis, e suo
Qui prodit tumulo decens

Vas si terrifici uincula proiicit
Antri, si nitidis fertur honoribus,
Nil suspensa gerit pectora debitor,
Ac laetis animis ouat

Peruersi generis qui subiit vicem,
Aerumnisque suis nomina sustulit
E cunctis tabulis, hic male pertinax
Mortis nunc lacerat iugum

Donis perfruitur sine carentibus,
Et corpus decorat sidereum iubar,
Caecatos radiis uulnera milites
Vertunt in properam fugam

At

At nos alliciunt, et querulos leuant
Luctus, heu uenia maius erit nefas,
Blandis alloquiis, iſtibus his truci
Factum iuſtitiae fatiſ

Cur nos terrificet, qui uocat undique
Collectos populos, aethereus thronus.
Vibices placidis uocibus arbitri
Clamant, parce, precor, reis

Sed buſtum pauidus fleſ miſerabile,
Includens cineres urna tremoribus
Complet, teque necat continuus ſopor,
Aeternumque uale, uale

Has fundit lacrymas, hos gemitus cohors,
Abiectis animis, inſcia gentium.
Firmat praefidiis nos melioribus
Ieſu laurea fulgida

Finit dura quies, euigilabimus,
Cum poſtrema canet buccina claſſicum,
Et uox diui hominis, furgite mortui,
Terra concutiet ſolum

Ceu ſol luce noua puniceus redit,
Tellus uere nouo floribus enitet,
Mulcens oſſa nouat marcida ſpiritus,
Et uiuus religat uigor

Reddun-

Redduntur capiti lumina uiuida,
Succedunt capiti membra uigentia,
Messis primitias insequitur ferax,
Et plausu resonant poli

Salue, chara mihi, mors bona, languidis
Dono fixa Dei meta laboribus,
Dux optata domos ad superas, ueni,
Ac dulci requie bea

Talis religio munera postulat,
Mystris danda probis, qui geminant Io,
Victoremque colunt, exuuiis feri
Vmbrarum domini inclitum

P. P. Feris Paschalibus cIo Io cc LXVI.

LITERIS CAROLI CHRISTIANI DÜRRII
ACADEMIAE A TYPIS

Th: 780

ULB Halle 3
002 500 698



Sb.

KOIT
D

n. C.







26.

RECTOR
ACADEMIAE VITEBERGENSIS
GEORGIUS AVGVSTVS
LANGGVTH

PHILOSOPH. ET MEDIC. D. PATHOLOG. ET
CHIRVRG. P. P. ORDINARIVS FACVLTAT
MEDICAE SENIOR

CIVIBVS ACADEMICIS

S. P. D

